



Inatsisartuni ilaasortamut
Aslak W. Jensen
Siumut

26-05-2021
Sags nr. 2021-10055
Akt. id. 16854634

Postboks 970
3900 Nuuk
Tlf. (+299) 34 50 00
Fax (+299) 34 66 66
E-mail: isn@nanoq.gl
www.naalakkersuisut.gl

Utoqqalinersiutit qaffannissaannut utoqqalinersiuteqartunillu akileraartitsisarnernut tunngasutut § 37-mi apeqqustit nr. 2021-046-miittut akissuteqarfigineri

Asasara Aslak W. Jensen

Qujanaq apeqqustinut. Akissutit ataani ataasiakkaarlugit uteqqinneqarput, maliitsigalugit akissuteqarfigineri.

1. Naalakkersuisut utoqqalinersiutinik qaffaanissaminnik pilersaaruteqarpat?

Utoqqaat utoqqalinerminni toqqissisimanermik misigisaqarnissaat Naalakkersuisut naalakkersuisoqatigiinnissamut isumaqatigiisumminni aalajangersimavaat, soraarnerussutisiaqarfiullu iluarsaaviginissaa isumaqatigiissutigalugu.

Inoqatitsinnut utoqqarnut utoqqalinerminni toqqissisimanermik qularnaarinissamut ilalersuisinnaasunik pissutsinik tamanik Naalakkersuisut misissuiniarput, ilaatigut soraarnerussutisariartakkanik. Tamakku saniatigut, soorlu ineqarnikkut pissutsit, peqqinnissakkullu pissutsit toqqissisimanermut, utoqqaallu inuunerminni atugarisaannut pingaaruteqarputtaaq.

Utoqqalinersiutit ukiut kingulliit ingerlanerini annertuumik iluarsineqareersimapput. Kingullermi utoqqarnut sulisinnaasunut, sulerusussuseqartunullu soraarnerussutisianik ilasaqarnissamut periarfissat pitsanngorsineqarsimapput.

Suliap ingerlateqqinnerani utoqqaat inuunerminni atugassarisanik pitsaasunik qulakkeernissaannut pissutsit nalilersorneqartussat akornanni soraarnerussutisiat Naalakkersuisut ilanngunniarpaat.



2. Naalakkersuisut utoqqaat utoqqalinersiuteqartut akileraartarunnaartinneqarnissaannik pilersaaruteqarpat?

Akileraarutininik iluarsaaqqinnissamik naalakkersuisoqatigiinnissamik isumaqatigiissut kaammattuuteqarpoq, utoqqalinersiutillillu inuunerminni atugarisaat akileraarutininik iluarsaaqqinnermik suliariligassami ilaatinneqarumaarput.

Inussiarnersumik inuulluaqqusillunga,


Mimi Karlsen